

DE PÄULI

TEXT: ADRIAN KLAPPROTH
MELODIE: TRADITIONAL

1.

DE PÄULI ISCH ES ROSS GSI
IM ÄMMITAL
EDLE CHOPF, LÄNGE HALS
MUSKULÖS UND DOCH SCHMAL

CHREFTIG, JUNG, ÜBERMÜETIG
ÄR WÄR GÄRN GSPRUNGE UND GRENN
HED TRÄUMT VOME CONCOURS
UF DE LOZÄRNER ALLMÄND

REFRAIN

DOCH IM ÄMMITAL GIDS NÜT Z'LACHE
ME SEID EM ROSS - HEISST'S AU PAUL
I SOMENE CHRACHE
CHURZ UND BÜNDIG NUR GAUL

2.

SO VERGOHD HALT DAS LÄBE
MIT PFLÜEGE UND ZIEH
BI JEDEM WÄTTER VERUSSE
ERSCH AM OBIG GOHT'S JE

REFRAIN

DENN IM ÄMMITAL GIDS NÜT Z'LACHE
ME SEID EM ROSS - HEISST'S AU PAUL
I SOMENE CHRACHE
CHURZ UND BÜNDIG NUR GAUL

3.

DOCH HIE UND DO STOHD DE PÄULI
ALLEI UNDER EME BAUM
ÄR FRÜHRT UND DÄNKT TROTZDEM
A SI WUNDERSCHÖN TRAUM

REFRAIN

WIE-N-ÄR TÄNZLET UND SCHNAUBET
NERVÖS ISCH – LOS RENNT
ZUM LIEBLING-ROSS UND ZUM STAR WIRD
UF DE LOZÄRNER ALLMÄND

WIE-N-ÄR TÄNZLET UND SCHNAUBET
NERVÖS ISCH – LOS RENNT
ZUM LIEBLING-ROSS UND ZUM STAR WIRD
UF DE LOZÄRNER ALLMÄND

ANHANG

DE PÄULI ISCH ES ROSS GSI
WÄR GÄRN GSPRUNGE UND GRENNT
HED TRÄUMT VOME CONCOURS
UF DE LOZÄRNER ALLMÄND

WIE-N-ÄR TÄNZLET UND SCHNAUBET
NERVÖS ISCH – LOS RENNT
ZUM LIEBLING-ROSS UND ZUM STAR WIRD
UF DE LOZÄRNER ALLMÄND

ADRIAN KLAPPROTH
CD „BIS ZU MIM LETSCHTE SCHNUF“